



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADONAČELNICA

Broj: 01-11-8382/23  
Sarajevo, 26.12.2023. godine

Bosna i Hercegovina-Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRISLUSNO:			
Org. jed.	Broj	Prinos	Vrijeme
		27 DEC 2023	
01-GV-09-1989/23			

**GRADSKO VIJEĆE GRADA SARAJEVA**  
g-din Jasmin Ademović, predsjedavajući Gradskog vijeća

**Predmet:** Mišljenje o amandmanima na Prijedlog Budžeta Grada Sarajeva za 2024. godinu, dostavlja se

Postupajući u skladu sa članom 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20 i 19/20), povodom amandmana podnesenih od strane **Odbora za budžet i finansije** na Prijedlog Budžeta Grada Sarajeva za 2024. godinu, dajem sljedeće

### MIŠLJENJE

#### AMANDMAN:

Predlaže se da se u Prijedlogu Budžeta Grada Sarajeva za 2024. u okviru ekonomskog koda 615100-Kapitalni transferi drugim nivoima vlasti, uvrsti nova stavka “Opremanje dva logopediska kabineta u Ambulanti Hrasno Brdo te za tu stavku planira iznos od 10.500,00 KM, a da se za ovaj iznos umanjiti stavka planirana pod ekonomskim kodom 615100 - Kapitalni transferi drugim nivoima vlasti i fondovima-Izgradnja i obilježavanje pristupne staze Spomen ploče na Kazanima, tako da umjesto 300.000,00 KM iznosi 289.500, 00 KM.

**Obrazloženje:** Logopedski kabinet sa dvije logopedice već duže vrijeme radi bez neophodne opreme sa djecom s poteškoćama u razvoju i govoru, mucanju, poremećajem iz autističnog spektra sa nerazvijenim govorom, sa pacijentima sa afazijama i drugim poteškoćama. Kabinet je potrebno opremiti sa digitalnim interaktivnim stolom (4.000,00 KM) i interaktivnim panelom (6.500,00 KM). Opremanjem logopedskog kabineta, rehabilitacija bi kraće trajala a samim tim bi se smanjile i liste čekanja.

#### STAV PREDLAGAČA:

**Amandman se ne prihvata**, a prevashodno cijeneći objektivne mogućnosti raspoloživih sredstava u planiranom Budžetu Grada Sarajeva za 2024. godinu.

Takoder, treba uzeti u obzir činjenicu da je Grad Sarajevo u prethodnom periodu značajno pomagao rad zdravstvenih ustanova cijeneći prije svega njihov značaj za građane našeg grada i šire, bez obzira na utvrđene nadležnosti u ovoj oblasti.

Naravno, u narednom period nastojat će se, koliko to objektivne mogućnosti budu dozvoljavale, da se pokuša iznaći mogućnost realizacije ovog prijedloga.

Adresa: Hamdije Kreševljakovića 3  
71000 Sarajevo, BiH  
Tel: +387 33 407 443  
Fax: +387 33 208 341  
Email: grad@sarajevo.ba  
Web: www.sarajevo.ba





#### **AMANDMAN:**

Predlaže se da se u Prijedlogu Budžeta Grada Sarajeva za 2024. u okviru ekonomskog koda 615100- Kapitalni transferi drugim nivoima vlasti, uvrsti nova stavka "Nabavka mikroskopa za oftamološki odjel Opće bolnice "Abdulah Nakaš" uz planiranje iznosa od 50.000,00KM, a da se za ovaj iznos umanjí stavka planirana pod ekonomskim kodom 615100 - Kapitalni transferi drugim nivoima vlasti i fondovima-Izgradnja i obilježavanje pristupne staze Spomen ploče na Kazanima koji je planiran u iznosu od 300.000,00 KM.

**Obrazloženje:** Za nabavku mikroskopa potrebna su sredstva od 150.000,00 KM i predlaže se da Grad Sarajevo sufinansira nabavku u predloženom iznosu. Oftalmološki odjel Opće bolnice "Abdulah Nakaš" u Sarajevu je jedna od najproduktivnijih jedinica ove vrste u našoj zemlji sa preko 1.500 operacija katarakte godišnje. Obzirom na potencijal odjela i kvalitet ljekara, jako je bitno za naš grad održati postojeći broj operacija te unaprijediti kvalitet usluge našim pacijentima. Za ovakve aktivnosti neophodno je obnoviti postojeću opremu u operacionoj sali a posebno nabaviti predloženi mikroskop čija napredna tehnologija može biti osnova i za dalji razvoj odjela.

#### **STAV PREDLAGAČA:**

**Amandman se ne prihvata,** a razlozi neprihvatanja identični su razlozima obrazloženim u vezi sa prvim amandmanom.

#### **AMANDMAN:**

Predlaže se da se u Prijedlogu Budžeta Grada Sarajeva za 2024. u okviru ekonomskog koda 614300- Tekući transferi neprofitnim organizacijama, izostavi stavka - Udruženje za očuvanje i promociju rock muzike „Ex Yu Rock Society“ sa planiranim sredstvima u iznosu od 7.000 KM, a da se ta sredstva prenesu na zajedničku stavku Udruženja/fondacije iz oblasti kulture tako da se planiraju sredstva u iznosu od 157.000,00 KM umjesto planiranih 150.000,00 KM.

**Obrazloženje:** Intencija Budžeta Grada Sarajeva za 2024. godinu kako je to naglašeno u obrazloženju, da se što je moguće više sredstava Budžeta Grada Sarajeva, kada su u pitanju transferi a posebno neprofitnim organizacijama, realizuje putem javnih poziva, pa Odbor cijeni da je takav pristup budžetskim sredstvima potrebno omogućiti i ovom Udruženju koje postoji tek nepune 3 godine. Razlozi za prethodno nalaze se u činjenici da su sredstva tekuće reserve planirana u iznosu kao i prethodne godine, te da se planiranju ovih sredstava pristupilo veoma objektivno obzirom da se ista koriste za potrebe koje se ne mogu predvidjeti ili su se predvidjela u nedovoljnom iznosu.

#### **STAV PREDLAGAČA:**

Amandman se ne prihvata, a razlozi se nalaze isključivo u činjenici da je za razmatranje na 34. Sjednici Gradskog vijeća Grada Sarajeva predložena tačka dnevnog reda: Prijedlog Odluke o utvrđivanju posebnog značaja za Grad Sarajevo za Udruženje za očuvanje i promociju rok muzike „Ex-Yu Rock Society“, a čijom odredbom člana 2. je utvrđeno da će se djelatnost ovog udruženja sufinansirati od strane Grada Sarajeva u utvrđenom iznosu

S poštovanjem,



**GRADONAČELNICA**  
Prof. dr. Benjamina Karić

Dostaviti:

-naslovu

-evidencija